

S
李燾父子年譜

王德毅著

中國學術著作獎助委員會獎助出版叢書之四

李燾父子年譜

王德毅著

中華民國五十二年十二月初版

李燾父子年譜

定價

新臺幣參拾元美金捌角

國外定購另收郵費精裝美金三角

著者人

王

德

毅

出版者

中國學術著作獎助委員會

地址：臺灣省臺北市襄陽路二號

總經理

臺灣商務印書館

地址：臺北市重慶南路一段卅七號

承印者

精華印書館股份有限公司

地址：臺北市長沙街二段七一號

版權所有
翻印必究

敘例

南宋史家之巨擘，首推二李，二李者，丹稜李燾，井研李心傳也。二李學行，心慕已久，前已草成心傳（秀巖先生）年譜，年來涉覽之餘，於燾父子行事，每加留意。今乃蒐取正史別史雜史所書，與夫詩文集隨筆雜記所載，次年月之先後，考諸史之異同，而成燾父子合譜，不敢謂裨益於學術，聊償仰慕往哲之心願云爾！

章實齋曰：「年譜之作，仿於宋人，考次前人撰著，因而譜其生平時事與其人之生卒進退，而知其所以爲言，是亦論事知人之學也。文集者，一人之史也，家史國史與一代之史，亦將取以證焉，不可不致慎也。」（韓柳二先生年譜書後）本譜之編，發意於此。倘能供研究中國史學史者之取證，尤所幸也！

方壯猷先生撰南宋編年史家二李年譜，編述有緒，獨惜過於簡略，拾遺補闕，亦屬必要，況其不無紕繆者乎？今之所集，實數倍之，蓋所以師燾「寧失於繁，勿失於略」之遺意。原譜中年月繫事多誤，本譜皆已改正，並於每事之下，各繫出處，遇有需加解說者，則以案語附其後。

李燾於續通鑑長編用力四十年，葉適謂爲春秋之後纔有此書。又嘗參與國史之修纂，前後十

易寒暑，夫以神哲徽欽四朝國史之修纂，幾經二十八年，所歷史官凡百餘人，其間卓著績勞者，惟燾一人而已！今略考其更易之跡，以明燾在史學界所居之重要地位。至其子扈、壁、臺，皆典史事，而臺剛正有守，尤能繼承家學，所謂史學世家者，良不虛也。自政和五年（一一一五）燾之生，至嘉熙二年（一二三八）臺之卒，前後凡一百二十四年。其間名賢碩儒，不乏其人，與燾父子或神交心契，或過從密切，或同柄朝政，或並居山林，其言行退進，與燾父子無不有直接間接之關連，今酌予輯錄。至若國家大政，世局變化，其影響及於譜主者，皆當條舉綱目，以明譜主之言動與當時國政士風之關係。

本譜之編述，就各史源及參考書之原文，彼此互較，而折衷之，出以己意，可免徵引文獻之重複，而省文字。其紀年也，以宋紀元爲主，而輔以西曆及金與蒙古紀元，下繫干支及譜主年壽。其法：紹興二十八年分繫燾壽；二十九年壁生，繫壁壽；三十一年臺生，自此至淳熙十一年分繫燾、壁、臺壽。淳熙十二年至嘉定十五年分繫壁、臺壽；嘉定十六年以後則獨繫臺壽。紀年一律頂格，年內諸事按月逐條低一格書之，遇有異聞，即加考案附於後，以明其所以然者，或能少舒一得之見也。

本譜編輯期間，屢蒙姚從吾師及楊家駱先生鼓勵，提供材料，獲益良多，衷心銘感。惟編者

年輕識淺，昧於所學，當此文獻散佚之際，稽考爲難。若蒙諸師友不吝賜教，使此一編年史家之事跡，重見光輝，寧非盛事，又豈僅得遂德毅一人之所願而已哉！

本譜編成，承夏德儀、傅樂成二師推薦，由中國學術著作獎助委員會資助出版，謹併致謝。

民國五十二年夏，於臺北國立臺灣大學歷史系

譜 前

唐則天皇后垂拱四年 六八八戊子

八月，博州刺史琅邪王冲起兵討武氏，其父豫州刺史越王貞舉兵應之。自則天稱制，貞與韓王元嘉，魯王靈夔，霍王元軌，及元嘉子黃國公譔，靈夔子范陽王藹，元軌子江都王緒，並貞長子冲，密有匡復之志。及舉義失敗，貞等或自殺，或誅放。武氏遂藉故殺戮唐宗室諸王，壯者誅死，幼皆沒爲官奴，或匿民間爲庸保。太宗第十四子曹王明已先卒，其長子南州別駕零陵王俊，次子黎國公傑，並遇害；第三子价，第四子備，第五子左武衛大將軍偁，皆棄職逃。偁入蜀，家於眉州之丹稜，子孫因定居焉，此燾之十六世祖也。

唐玄宗天寶十五載 七五六丙申

安祿山反，迫京師，明皇愴愴西幸，駐驛巴蜀。燾之十一世祖瑜，抗表言狀，得通屬籍，遂拜長江令。

宋神宗元豐七年 一〇八四甲子

十一月，司馬光撰資治通鑑全書告成，凡二百九十四卷，又目錄三十卷，考異三十卷，總三百

五十四卷。初光嘗約戰國至秦二世如左氏體爲志八卷，治平二年奏進，英宗悅之，遂命論次歷代君臣事迹，起周威烈王，迄于五代，神宗甚重其書，曰：「……賢於荀悅漢紀遠矣！」目錄倣史記年表，年經國緯，考異參諸家異同，正其謬誤，而歸於一。（直齋書錄解題卷四）張芝聯曰：「……史料繁，則取捨益宜謹慎，非考異莫能存衆說，觀點雖異，然史重紀事，事實備然後可以言觀點，不然，仍難免空論。非長編無以囊括史實，明因果，定取捨。考異，長編皆溫公所手創也。昔李仁父欲修北宋一朝史，不敢私續通鑑，乃先修長編；今正史雖成，然欲考天水一祖八宗史迹，此書終不可廢。」（漢學第一期）燾之長編，蓋所以踵通鑑，因略著其大凡於右，藉以知燾史學之源流也。

徽宗大觀三年

一一九〇
遼天祚帝乾統九年己丑

五月，燾之父中舉賈安宅榜進士。（丹稜縣志選舉）

政和二年

一一二一
遼天慶元年

辛卯

四月，詔禁史學。自古權臣用事，必禁史學，自蔡京當國，士大夫於史遂三鍼其口。明年正月追封王安石爲舒王，安石子雱爲臨川伯，並從祀孔子廟。其後燾論安石父子不當配饗，蓋以燾不悅安石之經學，而獨私淑司馬之史學也。

本譜

政和五年

金太祖收國元年

乙未

熹一歲

四月十七日，熹生。熹字仁甫，亦曰仁父，一字子真，號巽巖，學者稱巽巖先生。世居蜀之眉州丹稜縣。曾祖夔，祖夙，贈奉直大夫，祖母郭氏贈恭人，後以熹子壁拜參知政事，再贈隴西郡夫人。父中，母史氏。（永樂大典卷一〇四二一巽巖先生墓刻，李文簡神道碑）時司馬光卒後二十有九年，平生行事早已載諸實錄正史，著述固已傳諸當世，皆所以啓示熹者也。

是歲虞允文六歲。允文字并甫，一字彬父，仁壽人，生於大觀四年十一月二日（王質雪山集卷五樞密宣撫相公樂府序） 王十朋四歲。十朋字龜齡，溫州人，生於政和二年（梅溪王先生

文集附錄神道碑）。

陳俊卿三歲。俊卿字應求，興化人，生於政和三年。（朱子大全集卷九

六陳公行狀）

林光朝二歲。光朝字謙之，號艾軒，莆田人，生於政和四年。（周必大平園

續稿卷廿三林公神道碑）。

宣和五年

金太宗天會元年

癸卯

熹九歲

熹九歲，弟熹生。熹字明甫，陵州府君之季子。（永樂大典卷一〇四二一李壁撰叔父墓銘）

洪邁生。邁字景廬，號容齋，鄱陽人。（洪容齋先生年譜）

宣和六年

一一二四年

甲辰

十歲。

劉夙生。夙字寶之，莆田人。（水心先生文集卷十六著作劉公墓志銘）

宣和七年

一一二五年

乙巳

十一歲

燾天資穎異，博覽經傳，獨不樂王安石學。（神道碑）

欽宗靖康元年

一一二六年

丙午

十二歲

七月十五日周必大生。必大字子充，號平園，廬陵人。（周文忠公年譜）

是歲徐夢莘生。夢莘字商老，清江人。（樓鑰撰徐公墓誌銘）

高宗建炎元年

一一二六年

丁未

十三歲

劉朔生。朔字復之，夙之弟。

楊萬里生。萬里字廷秀，號誠齋，吉水人。

案：周必大題三老圖詩序題云：「郡士劉訥以乘成兄生於乙巳，而予丙午，誠齋丁未，寫三老圖，爲題四韻。」是萬里生於建炎元年，宋史卷四三三本傳，謂其卒於開禧二年，年八十

三，誤也。

是歲五月朔，康王構卽皇帝位於南京應天府治（今河南商邱縣），是爲紹興中興之主高宗，改靖康二年爲建炎元年。先是，在徽宗時，蔡京、王黼相繼用事，竊弄權柄。政宣之世，帝耽逸樂，忽聞方臘之變起，憂懼遣師，擇帥授兵童貫，賊幸得平，而貫却貪天之功，矯以上聞。舉朝相賀，不知國亡無日矣！夫規復燕雲，旣失策於前，君臣苟安，復不謀於後，卒之金兵長驅渡河，進圍汴都，幾如入無人之境。此靖康元年十一月也。已而京師陷落，二帝北狩，京師子女玉帛爲金兵掠擄一空，靖康之難，較諸永嘉爲尤甚焉！

建炎四年

一一三〇
天會八年

庚戌

十六歲

九月十五日，朱熹生。熹字仲晦，號晦庵，婺源人。（朱子年譜）

紹興元年

一一三一
天會九年

辛亥

十七歲

袁樞生。樞字機仲，建安人。（鄭鶴聲撰袁樞年譜）

紹興二年

一一三二
天會十年

壬子

十八歲

應鄉薦，舉眉州解魁。時第二人爲史堯弼，年方十四，人疑其文未工，赴鹿鳴宴猶著粉紅袴，太守命分韻賦詩，堯弼得建字，援筆立成。云：「四歲尙少房玄齡，七步未饒曹子建。」

案：堯弼字唐英，有蓮峯集，任清全序曰：「紹興中史唐英之名滿於搢紳間，天下知名士

也。李巽巖以南北六朝策首送眉揚，蓮峯在第二，年甚少，其文尤該博，非幼學所能。」

其推尊如此！（浩然齋雅談，蓮峯集）

紹興三年

一二三三
天會十一年

癸丑 十九歲

張栻生。栻字敬夫，號南軒，廣漢人，浚之子。（朱文公集卷八九張公神道碑）

紹興四年

一二三四
天會十二年

甲寅 二十歲

燾不樂王安石學，獨私慕司馬光，范祖禹學行，甫冠，已著兩漢鑑，此史學著述之始。

紹興五年

一二三五
天會十三年

乙卯 二十一歲

追念靖康變故，憤金仇未報，著反正論十四篇，皆救時大務，人多奇之。（宋史本傳，文簡神

道碑）

九月五日，汪應辰舉進士第一。應辰字聖錫，信州玉山人。燾家父子皆蒙其推薦。生於重和元

年（一一一八），小燾三歲。（宋史卷三八七有傳）

紹興六年

一二三六
天會十四年

丙辰 二十二歲

正月十五日，尙書左僕射監修國史趙鼎上重修神宗實錄二百卷，史官范冲等撰，稱爲考異；考異者，備朱墨黃三書而明著其去取之意也。初蔡卞既改舊錄，每一卷成，納之禁中，蓋將盡泯

其迹，而使新錄獨行，謂朱墨史者，世不可得而見也。及梁師成用事，自謂蘇氏遺體，頗招延元祐諸家子孫，若范溫、秦湛之流，師成在禁中見其書，爲諸人道之，諸人幸其書之出，因曰：「此不可不錄也。師成如其言，及敗，沒入，有得其書者，攜以渡江，遂傳於世。」

紹興七年一一三七年丁巳 二十三歲

三月十七日呂祖謙生。祖謙字伯恭，號東萊，金華人。（呂東萊太史年譜）

紹興八年一一三八戊午 二十四歲

正月，獻反正議十四篇於朝，乞擇宗室賢者使攝儲貳，留守形勝，或別出征伐，使民無異望。

（朝野雜記乙集卷二）

四月二十七日，詔以翰林學士朱震知貢舉，給事中張致遠，起居舍人勾龍如淵同知貢舉。（宋會要輯稿選舉一）得合格奏名進士黃公度以下二百一十二人。

六月十八日，中進士。調成都華陽縣主簿，未上。讀書本縣之龍鶴山，命曰巽巖。因以爲號，士大夫用是以稱。有記，曰：「子真子三卜居乃得此山，坐東南，面西北，其位爲巽爲乾。蓋處已非乾健無以立，應物非巽順無以行。易六十四卦，仲尼撥其九而三陳之，起乎履止乎巽，此講學之序也。語曰：可與共學，未可與適道，可與適道，未可與立，可與立，未可與權。夫

人各有所履，善惡分焉，惟能謙可與共學，惟能復可與適道，知所適而無以自立，則莫能久，故取諸常恒，使久於其道，或損之，或益之，至於困而不改。若井未始，隨邑而遷，則所以自立者成矣！雖然，吉凶禍福，橫發逆起，有不可知，將合於道，其惟權乎！然非巽則權亦不可行，學而至於巽，乃可與權，此聖賢事業也。」年方二十四，其志趣學問已如此！（文簡神道碑，程史卷十二）方壯猷曰：「此可見燾之志趣學問蓋深於周易者，曾著易學五卷，周易古經八卷。燾私淑司馬光，光亦深於易學者，曾著潛虛一卷。」（二李年譜）

同年中通顯者：

龔茂良，字實之，興化軍人。（宋史卷三八五有傳）

陳俊卿，字應求，莆田人。（宋史卷三八三有傳）

是歲三月初七日，秦檜爲尙書右僕射同中書門下平章事兼樞密使。（宋史高宗紀六）

六月初九日，趙鼎上重修哲宗實錄一百五十卷。先是，紹興四年三月，高宗謂宰臣朱勝非等曰：「神宗哲宗兩朝史錄，事多失實，非以傳信後世，當從別修定。著唐鑑范祖禹有子名冲者，有召命可促來令兼史官。」勝非奏：神宗史緣添入王安石日錄，哲宗史經蔡京，蔡卞之手，議論多不公。冲至，以宗正少卿兼直史館，辭不拜。冲謂史館專修神宗、哲宗實錄，以父祖禹元

祐間任諫官，後坐章疏議論，責死嶺表，而神宗實錄又經祖禹之手，今既重修，則凡出京卞之意及其增添者，不無刪改，儻使冲預其事，恐其黨未能厭服。帝曰：「此事朕何敢私？頃歲昭慈誕辰，宮中置酒，從容語及前朝事，曰：『吾逮事宜仁，求之古今母后之賢，未見其比。姦臣私憤誣謗，雖嘗下詔辨明，而史錄未經刪改，豈足傳信後世，吾意在天之靈不無望於官家也。』朕每念此，惕然於懷。欲降一詔，具載昭慈遺旨，庶使中外知朕修史之本意。」遂命冲專修成書。王明清揮塵錄曰：「徐敦立云：在館中時，見重修哲宗實錄，其舊書，崇寧間率多貴游子弟以預討論，於一時名臣行事，既多疏略，而新書復因之，於時急於成書，不復廣加搜討，有一傳而僅載歷官先後，且據逐人碑誌，有傳中合書名猶云公者，讀之使人不能無恨。」

（文獻通考卷一九四）

紹興九年

一一三九
天眷二年

己未

二十五歲

九月，張燾除寶文閣學士知成都府，兼本路安撫使。（中興館閣錄）

紹興十年

一一四〇
天眷三年

庚申

二十六歲

三月，詔郡國各舉賢良方正直言極諫之士以聞。燾以李唐三百年間應此科之選而名實無愧者，惟劉玄華一人而已！心竊慕之，因攜所著通論五十篇謁蜀帥張燾，欲應詔，因故不果薦。其友

晁公邁以書勉之，燾答以當修此學，不必從此舉。

案：岳珂愧鄉錄卷十一制舉科目條載：紹興元年正月一日，四年三月十八日，七年二月九日，十年三月二十三日，十四年三月二十八日，十七年四月二日，二十年五月四日，二十三年五月一日，二十六年四月三日，二十九年三月十九日，三十二年三月二十八日，凡十二詔，迄無應者。不審何故。意者謂：當政治黑暗之際，郡國首長爲愛惜人才，深恐直言極諫之士將不免於禍，故率不肯推舉。非此時代無賢良方正直言極諫之士，燾，卽其一也。

五月十一日，辛棄疾生。棄疾字幼安，號稼軒，濟南人。（辛稼軒先生年譜）

紹興十一年

金熙宗皇統元年

辛酉 二十七歲

七月十一日，提舉實錄秦檜上徽宗實錄六十卷，自元符三年，至大觀四年。

紹興十二年

一一四二
皇統二年

壬戌 二十八歲

秋，蒞華陽主簿任。時宰秦檜聞其名，欲招徠之，燾不與通。（神道碑）

是歲，始撰續資治通鑑長編。

案：燾淳熙九年第四次進長編表曰：「臣網羅收拾，垂四十年。」逆推之，當在是年開始。

紹興十四年

一一四四
皇統四年

甲子 三十歲